


經國雄畧

十二



屯政政 一二

漢書門類			
九	五	八	號
七	一	函	類
一	三	架	冊
三	〇	冊	架

內閣文庫		漢書
九	五	八
七	一	函
一	三	架
三	〇	冊

內閣文庫	
番號	漢 9558
冊數	20 ( 12 )
函號	299 252




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





屯政攷經國雄略卷之一

淺草文庫

清漳 鄭崑貞十師

南安伯鄭芝龍飛虹 全鑒定

武榮 鄭鴻逵羽公

鄭大郁孟周 編訂

温陵

楊應焜銜甫 叅閱

屯政攷

愚按屯政起於漢昭帝是錯桑弘羊皆言屯事至

屯政

見上

營平而後其法始詳諸葛亮屯渭南魏武屯許下  
司馬懿屯淮南北羊祜屯淮襄杜元凱屯荊州唐  
郭元振屯涼州郭子儀屯河中李泌復府兵屯於  
諸邊嗣後楊炎嚴郢李絳韓重華輩皆屯田宋樊  
知古張齊賢何承矩呂惠卿等難以盡載爰及我  
明無慮數百家但自井田廢而兵農分漢事夷狄數  
千里外蓋餽糧絕險之難也惟屯法猶存先王之  
遺制惜今議者屢屢終不能復行也

### 屯政

愚聞兵者所以明德除害也故舉得於外則  
福生於內不可不慎夫暴師日久將士馬牛  
食費月用粉谷魚鹽芟藁之類何啻數十萬  
斛石難久不解徭役不息又恐他夷卒有不  
虞之變相因並起為君父憂誠非素定廟勝  
之笑况虜寇衝突易以計破難以兵碎也擊  
之未便其若罷騎兵屯田以待其弊是今日  
之當商確者莫屯政若矣

按便宜十二事云步兵九較吏士萬人留屯以為武  
備因田致穀威德並行一也又因排折羗虜令不得  
歸肥饒之地貧破其衆以成羗虜相畔之漸二也居

民得並田作不失農業三也軍馬一月之食度支田  
士一歲罷騎兵以省大費四也至春省田士卒循河  
湟漕穀至臨羗以示羗虜揚威武傳世折衝之具五  
也以闢職薪下所伐材繕治郵亭克入金城六也兵  
出乘危徼幸不出令反畔之虜竄離於風寒之地離  
霜露疾疫瘞隳之患坐得必勝之道七也毋經阻遠  
追死傷之害八也內不損威武之重外不令虜得乘  
間之勢九也又毋驚動河南大開小開使生它變之

憂十也治湟陝中道橋令可至鮮水以制西域信威  
千里從枕席上過師十一也大費既省徭役預息以  
戒不虞十二也留屯田得十二便出兵失十二利屯  
田內有亡費之利外有守禦之備騎兵雖罷虜見萬  
人留田爲必會之具其土崩歸德宜不久矣

漢書

以屯政觀之古之善富國者莫如管子其地均之數  
山林藪澤汜山蔓山涸澤山之無木地之無草木人  
之不得入者或百而當一十而當一九而當一五而

當一則無虛地也。上土五粟，五沃，五位，五德，五壤，五浮，中土五恣，五壚，五盤，五剽，五沙，五壩，下土五猶，五牡，五殖，五穀，五鳧，五桀，隨其宜而種植之法，至盡矣。乃商子有農戰之令，呂覽有任地之篇，善謀國者，豈不以食為急哉。

秦議選

夫以今日之屯，救異日之饑，自古行之者夥矣。武侯之於斜谷，郭尚父之於河中，羊叔子之於襄鄧，范文正之於陝西，皆與戰相雜而屯者也。武帝設戊己較

尉，屯之車師，屯之輪臺，此與夷相雜而屯，若也有其人，則法出有其法，則政行。否則屯政不復，雖日進月進，豈能佐左藏之盈，而一發再發，可以濟邊疆之急也哉。

破膽篇

史起道漳於鄴，封鄭國漑通於秦，渠白公借灌於涇，水馬援引流於洮濱，虞詡復三郡，虞集開瀕海，獨非西北地耶。蘇秦曰：「燕雖不佃作，而棗栗之寔，足富於民，則因勢而盡地力，亦未為不可也。」

朱翼

夫邊計最重且急者莫屯政若矣。高皇帝閱海內之艱，詔羣臣議屯田法。用宋訥所言守邊策立法分屯，布列邊徼，遠近相望，首尾相應，剗制如此其周也。邊境旣寧，撤守關士卒，僅僅備譏察外，悉令屯田，致力如此其一也。山西沁州民若干戶，願應募受屯賞，以鈔錠公田給之，仍令募本州民召募如此其廣也。今屯士并樹桑棗，栢栗，隨地所宜，土雖不足而足於桑棗，栢栗矣。地利如此其盡也。文皇帝納黃福之

請官爲市牛鑄器，至欲廣屯於遼陽，而遣人徵牛於朝鮮，耕具如此其給也。詔各荒屯，空土不拘，士客軍民官舍盡力開墾，永不起科，恩澤如此其厚也。謂將領能時時勞問屯士所苦，誰不敢奮勤力，軫恤如此其殷也。以寧夏積谷，獸多降，勅獎諭總兵何福，激勸如此其明也。仁宗念所司以征徭役擾之，令無擅役妨農，愛養如此其至也。宣宗勅大同總兵鄭亨，上屯田子粒數多，遣人勘寔賞之，論功如此其核也。

提督必選老成更命風憲官以時巡察任使如此其慎也屯入歲豐邊士一切用度多以粟易於是令戶部漕輸貿雜多至二三十萬石少亦不下十萬積貯如此其豫也天順中都御史葉盛巡撫宣府脩復官牛官田法墾田益廣積谷益多以其餘易戰馬千八百疋脩築城堡七百餘所興利如此其鉅也乃其弊也則有膏腴之地多爲莊田空閑之區咸歸邊帥士卒無近田可耕如商輅所論者矣有墩堡不脩夷虜

輕犯有可耕之田而不敢耕士卒疲憊家無耒耜有可耕之田而不能耕如梁材所陳者矣有耕種之際鹵莽滅裂收貯之後侵欺侈用以管屯爲職者優逸而城而不見阡陌之巡以典屯而來者憑信簿書而不較倉庫之實如劉定之所議者矣則有擾之以弗靖持之以太急今日覈地明日徵逋輒起正德中寧夏之變卒令荒地儲竭邊民凋瘵且叛漢而入胡如王燁所陳者矣恬熨旣久因循弛廢日復一日邊境



蕭條議者或欲令各邊撫臣召募開墾及令軍民自種量徵其稅或以爲利歸於下則人樂趨往時爲邊帥豪戶種田不荒蕪而公糴亦紛紛請勸適生厲階夫與膏土沃田鞠爲茂草孰若捐以與人請明詔有能開種者悉與爲業毋有所問或以爲自鹽法折納商不赴邊而屯政遂與俱壞欲復屯政盍令商輸粟於邊耕者有所資積者有所散而塞下自寔蓋諸議之指大都任人廣募薄征緩取而鹽法屯田相爲維

持。鹽法之復不可以不急也。夫欲令農狎其野。穡人

成功。積豐於垣。士蹙於伍。內有亡費之利。而外有守

禦之備。以振威生氣。制戎撻虜。其惟屯政哉。季文清屯政攷

京輔諸郡。卽古燕趙地。內支諸雄。外禦胡貊。而二鎮

亦以此抗衡於天下。其士馬芻粟。非外索也。今一切

倚辦。吳越而千里萑蒿。竟無粒粟。誠失計矣。

河中之屯。自耕百畝。而吏士勸。何得曰。荷戈耻於執

耒也。淮襄之屯。詭計罷敵。而戍邏減。何得曰。突入難

屯政攷 一 屯政 見上

於以防也。涼州之屯，善撫御而夷夏集，詎曰搃作苦於戍守耶？振武之屯，暇日植戈而有事，悉戰，詎曰登獲妨於訓練耶？

屯有五利：闢污萊以增稅，養丁壯以寓兵，戶口可增，利一；流移漸還，人自爲保，而邊塞可固，利二；窮廩倉庾藏於阡陌，無一石二十鍾之費，利三；粟積而人聚，班戍可蘇，勾稽可罷，利四；邊備旣足，可以漸減，東南漕輓以舒民力，利五。更有五害：禾黍未登場而虜患

馳突，蹂踐有莫可必者，害一；或蝕於家丁之抑勒，而筐篋空存，因於主兵之好逸，而溝塍不歷，害二；開墾阡陌未成，名已在冊，此咎在催徵之太急，害三；舊田淪江海者，田去而課存，其人流亡，田不耕者，人去而課在，於是責收於他畝，而良疇亦荒，責賞於他戶，而見在亦亡，連區接壤，大抵皆爲斥莽矣，害四；其或脩邊太急，而督責以緊關，難竣之工，撤放太遲，而跋履於暑雨，怨咨之日，有不卽於困踣乎，害五。

國家定制有軍屯有商屯而軍屯則有邊屯有內屯有京營屯有錦衣屯有各衛所屯蓋四萬八千七百餘頃悉本高皇帝養兵百萬不費民間粒米之意夫商屯之始也晁錯入粟塞下之議也軍屯之始也趙克國屯田湟中金城之略也商屯則自葉淇改輸粟爲納銀驟加鹽課百萬富商大賈棄邊以徙家於淮南商重困而屯坐廢軍屯則京營錦衣或隱占於豪貴之兼并而各處衛所又陰借於軍民之授受然隱占者故籍具在旣易清查而授受者民習爲恒產軍得其微值而上供者不缺其復之非難也惟商屯旣圯國家旣不能驟減鹽課積重以與天下更始而商賈之黠者且計以術誘之恐旋復旋輟屯未終而止粟之令下矣故復之爲難卽欲復之而商不應則亦難故淇之罪尤桀也然則今之所議者軍屯耳以荷鋤戴笠之衆卽爲乘塞守堠之用省輸將之費而習胡虜之能所尤急者邊屯耳

中興列傳 卷一 九  
邊屯之爲事。利百而不害一。卽無賴臣言。顧其廢有  
繇。殆難卒舉。則臣請自爲難而開之。則難。臣曰。地氣  
南矣。北之地。辛剛疆。其性則然。勃壤輕。爨彌望。千  
里境瘠之所。舉鋤向之。楊沙一至。爲陵爲阜。何道而  
可耕。臣則曰。水行地中。如血周肉。三代所都。三川之  
間。雍冀之郊。草人掌土化之法。稻人掌稼。豈其以突  
爲窒乎。日招兩師。而剽洛土乎。地可使棘也。亦可使  
肥也。大川引之。小渠漱之。平陸井之。何地而不宜穀。

臣請略言耕地。瀕海之土。北抵遼海。南濱青齊。虞集  
所籌。皆沃壤也。豫州之境。伊洛瀍澗。汝蔡洹息。濟兗  
之郊。濟泌泗沂。三秦之地。涇渭漆沮。江淮之間。水波  
大泛。塘堰不治。沉陸大劇。以濬以豬。原大澤肥。奚必  
朔易并雍之徼。飛沙成阜之區。棄鴻功於石田也哉。  
則難。臣曰。屯有軍有民。民自田耳。瘠軍荒業。貿主歷  
年。迄今而復攘民以賚軍。民則何辜。臣則曰。不擇人  
也。盡田而屯之。田乃官乎官。自治田卽民乎。驅之以

勤或曰吾力不給則貸爾資惟牛惟種於我乎取昔者張全義之尹河南也業不易主有勞有賚有杖有稽卽比里而董其相助五代亦劇擾耳維彼一方旣富且康今卽時事急何踰此藉第令民田治粟日多國乃自裕何必官則難臣曰專設官乎尋行乎卽鹿無虞空碌碌耳集民相視事乃大擾雞犬爲空蘇軾嘆之臣則曰無贅而官嚴責長吏而稽其成吏喻巨室民則其傭稽較必切視笑必工馭吏有術田事畢

舉則難臣曰上勸不明民不加務今茲用詘賚將焉取臣則曰馭民如馭吏賞罰以爲權以粟得官爰有卜式以粟除罪錯則籌之能以萬夫耕也者是可吏萬人能以千夫耕也者是可吏千人子若孫能嗣厥業斯嗣厥官力田之科詎口非古耕且倍差則難臣曰北之水暴泛無期一橫而溢厥潰靡涯何以馭之而周厥事臣則曰懷襄之勢繇地則安惟其不疏水是用潰以濬以澮以茲以藝則水也日治則難臣曰

北民惰耳。首驅而農。勞將倍南。其民將弗堪。臣則曰。苟置之耳。有其農之。北乃自逸。東南之地。高下以殊。其壤之高。桔槔相貫。僅引而及。北之山泉。溢地而出。暨河之流。與地絜平。大海之勢。趨於東南。潮之所毒。以激以淤。遼海青齊。海則縈之。潮不爲災。故東南則勞。惟北則逸。則難。臣曰。惟地之膏。繫其精華。量則有竭。索之大繁。地何以堪。臣則曰。惟人之力。弗用則索。惟地之華。不取則朽。昔者南唐之世。壤地至狹。蘇州

之域。營田軍近萬人。田事至勤。穀價大賤。暨宋一統。淮瀾通流。穀自外來。田事亦惰。穀貴十倍。惟盈惟縮。人事耳。地曷與則難。臣曰。燕薊之豪。若勳若威。名田大夥。廢而廢耳。苟闢而獲。彼則攘之。臣則曰。墮民雍瘠。田斯憂耳。主者豪其力。能集人。請與而約。誠而田也。何爲墨墨。視坐耗國。幸以其力。徵農師。民貸豪資。豪貸民力。厥利則兼。則難。臣曰。民屯治矣。軍屯若何。荷戈之雄。責以負鋤。農事大苦。服牛則可。鞭虎柰何。

臣則日上爲之師。吳之屯也。孫權自占。唐之屯也。子儀卒。先陛下不憚九推勞。幸舉先朝事。宮中隙地。咸播獲。因詔諸大帥。身倡屯。屯多者視首功。人自競。審然者。屯事大興。利便非一。卽陛下諸臣能言之。無所俟臣。夏彞仲先生奏議


### 邊屯

建立營堡。開濬溝渠。無事則田牧訓練。有事則收堡備敵。邊屯之便利也。三年之後。必漸擴克。繇百里而千里。步步立營。處處建堡。得寸守寸。得尺守尺。防禦旣固。田桑漸繁。邊疆可恃。以無恐矣。

聞之邊屯有三擾。風沙暘日。目不得視。手不得發。是天擾之也。廣漠高阜。沼沚俱絕。桔槔不能爲功。是地擾之也。溝塍未列。蹂躪忽生。旣妨我耕。亦攻我守。是虜又擾之也。三擾不寧。屯事不成。故議者欲招流亡。

募土著給牛具開水利捕蝗錄墾荒蕪緩賦稅立屯  
 學種種具善也而卒不免於塵飯土羹之誚矣  
屯田書  
 國家注意屯政視漢唐最詳攷其地則東起遼海北  
 跨大河西盡日靈九邊延袤不下五千里沿邊置軍  
 分軍立屯何寥遠也攷其制則三分守城七分屯種  
 人授田五十畝歲征子粒上倉以正糧二石自給以  
 餘糧六石收備官軍俸糧之用其法曷嘗不盡善哉  
 行之餘二百年所矣度地非益損也度軍非益寡也

而田不為增歲緡不為減邊計猶然告詘也亡亦隱  
 占之未盡理乎荒蕪之未盡闢乎逋責之吏日煩乎  
 侵漁之孔百出乎乃隱占之竇也自繕田始也守邊  
 將吏得請官田以自便命之日養廉膏腴在官而瘠  
 薄歸軍官享其利而軍任其賦不堪則不得不寄甲  
 於勢要而欺隱者多欺隱者多則不得不攤稅於佃  
 軍而包賠愈困即不盡填溝壑有逃亡已爾故不革  
 贍田則隱占未可理也荒蕪之漸也自徵科始也訟





邊之田稱膏腴者十之二三而沙石榛莽者過半也。卽膏腴矣。山水暴漲幾變海桑者有之。虜騎蹂踐有稼無穡者有之。國初緩其歲輸。作之數年乃從薄征。永樂中聽軍民自願開墾。不拘頃畝。不徵於官。又令官市牛置具。給之屯種。正統四年大同宣府遼東陝西沿邊空曠之處。許官軍盡力耕種。免其子粒。八年減延綏等處屯糧。每百畝歲納正四石。一時稱便。其後但聞清丈。不聞勘除。但聞增糧。不聞減稅。甚者阡陌未成。已登尺籍。民何利焉。而自貽之戚耶。故不議緩征。則荒蕪未可闢也。逋責之煩也。以人無定業而賦有定則也。歛不以時而責有於無也。年歲有豐凶。地利有上下。不量稅而徵則有逋。不度地而徵則有逋。產去而稅存則有逋。出粟而入銀則有逋。均攤者或以一人而償兩人之稅。帶徵者至以一年而責數年之償。若乃屯頭代亡。抽丁補伍。徭役且種種矣。貧者日逋。富者亦貧。卽逋何時已也。有司取盈爲能。主

屯

計以催科課功。民安得不茲病。而田安得不茲廢乎。故蠲逋之詔宜下也。侵漁之起也。以不輸本色而輸折色也。不輸之屯所而輸之縣官也。輸折色則吏胥上下其手。而借移之弊生。輸縣官則支給後先其期。而乾沒之弊生。當其歛也。易銀難。是以數鐘當一鐘也。逮其散也。貿粟難。是以一金費數金也。於是有米珠芻桂之謠。無飽歌騰增之風。而國家之困轉運也。抑又甚矣。故折色之令宜改也。誠有謀國如家。拊

民如子。如渤海。如南陽。其人也者。巡行田間。而時勞來之。又得請便宜從事。無繩以文法。曠然與三軍百姓更始。今日墾墾田者。聽其自便。腹裏酒饒。三年後量徵本色。其瀕邊曠土。澤藪荏葦之場。永不起科。又今日墾田既成。有乘利告復故業者。弗許。有勢家請乞占奪者。弗許。如是人。其有不樂從者乎。不過數年。軍有餘饟。馬有餘芻。度支錢可議省也。召商開中。鹽利盛行。東南賦可議減也。部曲相保。且耕且守。客兵

可議罷也。比廬之衆，樂歸什伍，抽丁可議行也。兵食足則軍威自振，邊塞實則虜情可得，卽三河套中之地可議復也。九邊屯政攷

今以九邊之地肥沃可種者，悉爲屯田，甲楯之所棲，耒耜之所用，綿亘數千里，於焉耕耨，於焉扞禦，蓋卽古寓兵於農之遺。而漢趙克國，諸葛亮、晉羊祜、唐元振、韓重華、諸臣之所嘗收其利者，二百餘年。聖明憂勤於上，耆碩劈畫於下，將臣經略於外，謀士講求於內，則惟屯政爲孜孜，顧其間或興或廢，或利或否，非壤地不同，則政之得失異也。

屯田未議

鄭大郁

愚謂言有似迂而寔切。事似緩而寔急。一時若  
 無利。而其為利寔大者。則今日之屯田是已。屯  
 田之法。昉於漢世。自晁錯請募民寔塞下。室家  
 田。作以備之意。專備邊也。洎武帝通西域。復輪  
 臺。及趙克國。擊先零。罷騎屯田。以待其斃。意兼  
 圖敵也。其後曹孟德用之於許昌。司馬懿施之  
 於汝穎。遂能兼併羣雄。坐擁江左。終隋以前。四

方軍壘所在悉推行之。然法緣事罷。農隨兵撤。唐開軍府。稍廣其制。天下凡九百九十二屯。盛極矣。然民兵襍耕。村疇告擾。三農資器。輒仰給於田官。計歲所入。不償厥費。於是率以無功告罷。

明興屯制。較古爲盛。臨濠有屯。寧夏四川有屯。太原朔州有屯。一片石諸閔有屯。雲南定邊姚安畢節有屯。遼左宣太陝西沿邊空曠之地。在在

屯也。永樂中。聽軍民自便開墾。不拘頃畝。不徵於官。又令官市牛置具。給之屯糧。正統八年。復減延綏等處屯稅。每百畝歲徵正四石。一時稱便。其後但聞清丈。不聞勘除。但聞增糧。不聞減稅。甚至阡陌未成。已登尺籍。民何利焉。而自貽之戚耶。嗟嗟。


朝廷申誠屯政。何啻再三。而沿久廢敗。日見。晉屯者不巡阡陌。典屯者徒信簿書。侵漁日起。逋責

日煩有司以取盈為能。主計以催科課功。民安  
得不得不滋病。而屯安得不滋廢乎。為今日興屯計。  
莫如量地量稅。蠲逋之詔宜下。折色之令宜改。  
誠有如謀國如家。拊民如子。其人也者。巡行田  
間。而時勞來之。又得請便宜從事。無繩以文法。  
曠然與三軍百姓更始。不過數年。軍有餘饒。馬  
有餘芻。度支可省。而財用日生矣。不然。吾恐今  
日虜寇遍郊甸。軍需告急。庫癸頻呼。而官非其

官。吏非其吏。况當此三空四盡之日。即噴噴那  
移轉貸。盡是望梅。緩急因循。終非蓄艾。厝火積  
薪之虞。今日食不下咽矣。久矣之區。日本碌碌。

蒙

恩授鉞拜命之日。即聞秦中兵馬錢糧俱在延寧  
其間四雖。而西安等府。凡臣所屬地方。素稱腹  
裏。勢甚危急。後無額兵額餉。臣遂冒昧具疏。以兵  
單餉諸條。續



日煩有司以取盈為能。至計以催科課功。民安  
得不滋病而屯安得不落廢乎。為今日興屯計。  
莫如量地量稅。蠲逋之詔宜下。折色之令宜改。  
誠有如謀國如家。指民如子。其人也者。施行用  
間而時勞來之。又得請便宜從事。無繩以文法。  
燕之翼今日食不不即矣。越數年。有餘餼馬  
絲許資。盡是望。其絲非蓄艾。昔火蘇  
曾夷非其吏。出當出三空四盡。之日。噴黃黃。張

清理陝西軍屯疏

臣維人臣苟有報君父之心。必無難擔任之事。  
苟思濟國家之事。必有可久大之圖。臣本碌碌  
蒙

恩授鉞拜命之日。即聞秦中兵馬錢糧俱在延寧  
甘固四鎮。而西安等府。凡臣所屬地方。素稱腹  
裏勢甚危急。從無額兵額餉。臣遂冒昧具疏。以兵  
單餉詘仰。瀆

聖聽蒙

皇上召對平臺諭臣以此時措兵難霄旰憂思溢於天言北部覆臣疏蒙

聖恩准臣標兵三千名給臣餉銀六萬兩奉有以後兵餉該撫自行設處之

旨臣陛辭而西夙夜凜凜殫力搜剔恨不於無兵無餉之時勉每一足食足兵之計及臣抵任查得西安四衛原有額設屯軍二萬四千餘名固

未嘗無兵也何以有兵而若無兵臣竊謂此必原額屯軍尺籍徒存餼糧莫措有兵無餉故不可責以征操及查屯軍額餉則每軍約給贍地二頃固未嘗無餉也何以有兵有餉而竟無兵臣又謂此必原給贍也非砂磧蘗澤本不可田即易主轉售已不能問有地而不足抵餉故不能責以騰飽及查

國初選撥屯軍田土率皆膏腴墳壤而相洽以來



除本軍自行耕種着伍外。或有轉典承種。則本軍着伍。而種地之人。每歲每畝。出辦典銀一錢。付本軍克餉。或有豪右隱占。則不出典價。無兵着伍。衛所卑官。不敢復問。而但於撫按司道操閱之時。覓遣市棍家僕。支應片刻。旋即散去。然屯地則猶屬公田。未敢私鬻。隴畝阡陌。固歷歷可稽也。第非隱占。即典種本軍自種。十無一二。隱占者既種。雖日取該營把總等官。繩以重法。

而銅習以成。欲炤種地之額。一一責有實在之軍。勢必不能。即間有實在者。亦止於偶一查點。喝名應名已耳。或查點稍煩。已竊竊詛怨。蓋彼視所種之地。久爲固有。反若未嘗給有官糧。胡以相苦如此。况欲實加操練。驅之使陷敵當鋒。効死用命乎。故地養之軍。竟成紙上之軍。養軍之地。亦成紙上之地。而皆若烏有矣。臣因傳致故牘。洪武年間。每軍額地一頃。歲徵正糧十三

石餘糧十二石。盡行收貯屯倉。以正糧按月支給本軍。以餘糧支給官軍。糧俸餉不煩轉輸。而倉廩克實。兵不煩召募。而士卒精強。法至善也。至永樂二十年。奉

詔。減免餘糧六石。然正餘一十八石。猶然交倉。按支法。尙未壞也。至正統二年。以正糧十二石。兌給本軍。克餉免納。免支。止徵餘糧六石入倉。而屯法大壞矣。至後不知何時。復將餘糧六石。改

爲正糧。一併兌軍免納。而屯糧既不入倉。屯地幾成私產。於是投獻豪霸。奸弊叢生。遂至莫可究詰矣。臣痛憤

國用匱乏。不得。屢畝稅架。每責好義。終事於朝。不保夕之民。而朝廷額設軍屯。反爲豪右侵隱。致使全陝賊鬪數年。欲勦寇則苦於無兵。欲募兵則苦於無餉。蠹國養寇。皆繇於此。因於去年十二月。檄行西安府推官王鼎鑣。從頭清查。復

榜示通衢明白曉諭而舉事之初阻撓百至或有為臣危者曰屯之必不可清久矣且隱占屯田皆豪有力者所為一行清查必蠲其忌彼能以蜚語肆螫而又實煩有徒大可畏也臣思民間私田苟為大姓侵奪其家幹之忠誠為主者猶為愬官申理况豪右亦

皇上之臣民臣謬典秦封即為

皇上之家幹彼之理誦於臣而臣之權重於彼使臣

畏避譏讒隱忍徇縱有臣於此將焉用之且渠等各有身家即能布散流言禍徹臣之身名必不能別發難端抗

皇上之斧鉞苟有利于干

國家臣以身為怨府痴迂之性生而已然又何畏焉推官王鼎鎮卓有同心力行稽覈除右護衛名隸

秦府應另議外先將左前後三衛占種逃亾及嘗

追免補各地查明備造格冊詳註原軍祖名原地坐落及種地人戶籍貫一一申報到臣臣酌古準今推情定法示以不深究已往不追奪原地止按地起課卽責辦於見今承種之人亦不重派多取臣遂依倣

先朝減定之數區別屯地等則以爲起課差次而裒益多寡總以民間見行典地每畝一錢之例爲準每上地一頃徵糧十八石中地仍量免三石

止徵十五石下地又免三石止徵十二石每石折銀七錢每頃上地納銀十二兩六錢中地十兩五錢下地八兩四錢大抵中地居多而上下地俱無幾總計三衛占種逃亡嘗追免補各地已清出者共該起課地三千三百二十七頃零徵銀三萬五千餘兩查民間之田責祖佃戶歲入不啻數倍于此今止炤此數上納別無科擾蓋猶輕於私租之甚自示之後人始知寬平易

從無不翕然相安。臣復行王推官各炤屯地坐  
落州縣清造徵收文簿。發西安府監收同知孟  
道弘轉發各州縣徵收。是役也不呼額以窮大  
農不加派以厲遺子。惟是力破情面。不避怨勞。  
遂能於餅耻之日。歲取三萬餘金於饕餮久饜  
之吻。所裨于因饑加旅兵荒交困之秦。殊非淺  
鮮。然臣未敢以此自足。尚期殫臣釐剔之初念。  
徹底澄清。務使軍無一名虛冒。地無一畝侵隱。

而後已。再查每歲四衛額派延寧各適班軍一  
萬一千餘名。約該給軍屯地。不下一萬二千餘  
頃。卷查十年以來。班軍俱未赴邊。每名止解班  
價銀一兩二錢。夫延寧西安總係

皇上土宙。而挹此注波。遂使十去其九。亦可歎也。臣  
請於清出地租內動支解。抵班價所餘。班軍屯  
地。聽臣選汰徵課。其內丁條布價馬草等費。皆  
於課銀內取給。所有贏餘。召募精健入營。應兵

介別戰守二項。每守兵一名。約歲費中地一頃之入。戰兵酌量增加。但求有濟實用。不必取盈虛額。卽以三軍屯地之所出養戰兵二名。未爲不可。外有各衙門人役。承種屯地者。容臣盡數查出。炤例起課。卽係必不可裁之役。亦止每名歲給工食銀七兩二錢。所餘盡佐軍需。至於本軍自種屯地。臣次第確查。凡有途遙不願應兵。及老弱不堪征戰者。責令炤例納課。如有不願

納課。實係精壯堪以應兵者。仍行著伍。與召募之兵。一同征操。如是。則有一兵卽可當一兵之用。挑選訓練。但得勝兵萬餘。愈於二萬四千有名無實之軍多矣。而餉又不煩另措。將見單匱立轉爲富強。居恒則用以建威銷萌。潛懾不軌之謀。有警則用以推陷廓清。力剪方張之勢。何至如向來厝火貽憂。養癰致潰。無事而釀成有事。一遇有事。遂決裂敗壞。而不可收拾乎。倘臣

市取  
一考  
二十  
卷  
仰荷

皇靈克底成績握三秦治安之要圖開萬世永久之大利於臣頂戴

天恩捐糜圖報之區區亦可稍酬萬一矣至于屯地屯軍屯糧各項名色紛紜頭緒龐雜臣不敢屢數以瀆

宸聽惟有節節清查陸贖奏報而已

鄭羽公評

清屯以足餉使兵卽爲軍而軍復爲兵合而練之兵精餉裕此復

祖制之第一要務若邊腹盡如此疏行之中興可指日俟矣管夷吾復生何憂虜寇哉

可正 一 卷 二十九 曹元

中興... 惟鳳墾田疏

惟鳳墾田疏

伏見

皇上留心吏治加志窮民

諭以愛養百姓慮有司催科稍悉則

勅下戶部蠲免閭閻宿逋孜孜講求惟欲康阜兆

民永固

國本其盛心也臣思得往年出守廬陽嘗巡行阡

陌勸民開塘蓄水招集流移開墾荒蕪頗覺有

聖文 聖田疏 見止



中取疏  
一  
益又嘗往來隣境鳳淮兩府之間習見地廣人  
稀一望數千里皆紅蓼黃茅大抵多不耕之地  
間有耕者又苦天澤不時非旱則澇蓋雨多則  
橫潦瀰漫無處歸束無雨則任其焦萎救濟無  
所取資以是饑饉頻仍窮迫逃亾人烟日稀曠  
土益廣此地界連蕭碭汝陰皆多盜之區逋逃  
之藪積久不無隱憂宜得專官教民稼穡招撫  
流移在田

世廟中崇專設都御史王璣時值大水浸淫功不及  
施輒復報罷臣謹以昔時之見參以今日所聞  
竊意必設專官以重責成蓋潁川簽事淮陽副  
使兩道各有兵餉錢糧問理詞訟之責勢不能  
兼各該有司非得監司督責人無畏憚合于淮  
鳳二府特設一僉事擇一實心幹濟者畀之專  
勅給以關防駐劄適中州縣撫按同心重其事  
各道不得侵其權有司勢豪不得撓其法假以

政考 一  
三十一  
歲月不責近功。開一項卽一項之利。招一民則一民之安。三年果有成績。進秩而不遷。再考再進秩。久且超遷之。其所轄有司。卽以開墾地土。招徠人民。多寡爲殿最。亦各久任超遷。如是十年不臻富庶之効。無是理也。專官之責。其効在廣闢溝洫。夫水土不平。耕作無以施力。必先度量地勢高下。跟尋水使歸宿。濬河以受溝渠之水。開溝渠以受橫潦之水。官道之衝。設大堤以

通行偏小之邨。亦增卑以成徑。惟欲於道旁多開溝洫。使接續通流水。繇地中行。不占平地。又度低窪處。使多開塘堰。以儲蓄之。夏潦之時。則水歸溝塘。亢旱之日。可資灌溉。高者麥。低者稻。平行地多。則木綿桑果。皆得隨宜。樹莖土本膏腴。地無遺利。遍野皆衣食之資矣。其次則招恤流移。夫良民忍氣鄉土。止爲無食。耕種多荒。年卽迫。苦迫併。其勢必不能安其居也。今地旣開

開夏秋有收不愁無食鼓動其懷歸之心將  
受屢為氓之恐後各該有司安慰而安插之  
量撥地土處給牛種不得責其重負量寬二  
三年俟其志定業熟然後起科又或招致江  
南客戶或勸諭本地隣或審擬徒夫無力  
者令供役開墾有力者出資給食皆僉事可  
得專行其餘未盡事宜悉聽其酌量區畫或  
有窒礙難行事干題奏者議擬停當經自請

旨施行既無掣肘之虞民心莫不歸向而展布無  
難矣

鄭十師評

果用此議江北財賦當亦不下於東南也第今  
遭兵燹之餘田地荒蕪溝渠堙塞必更甚於曩  
時自當遣幹濟道臣一員經理其土方奏實効  
此亦鞏固

神京一要圖也

屯政攷 卷之二 三十三 廣

此亦奉同

此亦奉同

此亦奉同

此亦奉同

此亦奉同

屯政攷經國雄略卷之二

廣陵 張抱赤心萬 著

溫陵 鄭大郁孟周 編訂

屯政攷

御覽屯田書

日者逆奴犯順。行自取殄滅。但援師雲集。供  
應不貲。外解中途。屢遭盜掠。中原寇擾。所在  
騷然。民窮財盡。不堪聞見。兵益繁而餉益匱。  
民愈窮而盜愈多。愚以為若屯田。若鹽法。若  
鼓鑄。若關榷。若漕運。水利。又若織造。鱗鮮等  
差貢。各宜盡釐故習。核實而行之。計歲入。豈

屯政攷 二 御覽屯田

帝加派之數百萬而已  
哉是在當事力行耳

自古天下無不兵之國亦無不餉之兵要在兵有所  
自給而餉有所從出夫有所自給則軍需按嘗額國  
計不至於權宜有所從出則地利即邊儲物力不疲  
於輸轉歷考漢唐而後凡創業之君所以深居遠慮  
成一代富強之基者未嘗不算周於自給之計凡繼  
世之君所以優游玩忽成支吾絀弱之漸者未嘗不  
力困於轉輸之弊其能提衡裒益俾軍興賦額恒足

相資出入關輸兩無浮額則必英斷之主周咨博採  
以得之何也法久則敝敝久則變處敝法而操變術  
九有萬國子孫黎民始磐石而四維也我  
太祖高皇帝開天創業

成祖文皇帝述作相承鑒前代養兵坐困之失仿成  
周兵農合一之規於是開設屯田令天下衛所各軍  
什三操備什七屯種取屯軍之餘糧給操軍之額餉  
彼有所自給此有所從出賚送不煩守禦稱足蓋萬

世之善經已使天下諸司皆能世守不變則兵可嘗足餉可嘗克何至以召募代衛士而輸將爲年例哉顧九塞沃土浸漁各衛軍丁流竄輸邊額糧改折兩淮引目輸銀種種變遷屯法遂至大壞而不可收拾夫屯壞則地荒地荒則邊曠邊曠則虜斥虜斥則兵增兵增則餉缺地之所產既縮於數之內兵之所需又益於數之外其勢不得不資於轉輸轉輸一遲又不得不邠而借給借給甫行猶以秋冬之積暫應春

夏之支借給不已卒使明歲之秋方得今冬之額問之主計主計束手搜之老庫老庫罄懸失此而不改絃易轍國計將安所底止哉

夫財者流通之物一出卽竭者也穀者蕃滋之物生不生已者也今欲所出者不竭生者嘗生則莫若復二祖之屯法然屯法有二有新屯有舊屯舊屯者按故額而清理者也新屯者查荒土而開佃者也

洪武三十一年守太寧都督商嵩上大寧松會本年

屯數共一百一十四萬零。撫臣李化龍疏稱鴨綠以西九聯城東千家莊地方查墾得廢屯故地一百三十餘頃。歲獲雜糧一萬八百餘石。夫太寧禪虜千家莊見在。舉二地而九邊腴土可知。此舊屯可按者也。尚書馬文升曰。近差科道部屬。查理各省直屯田。郎中王勤等奏報。清出侵占田四萬餘頃。徵糧四十萬八千石。其餘尚有未盡。舉前事而今日可知。此新屯可行者也。

陝西苑監牧馬草場舊額一十三萬餘頃。正德中止存六萬。比遣大臣楊一清。查理川陂山地。通行丈量。遂復其舊。至萬曆二十二年。科臣張世則疏。謂前項草場。歲減月削。失却原額。見存養馬。并納租銀。止三萬一千二百二十頃矣。此清查可得者也。

御史熊廷弼。奏遼鐵懿沈等衛舊有屯塞四百一十九處。今存六十四座。前項荒地。何啻二三萬頃。遼瀋以東。猶未計也。都御史唐順之。謂金塘玉環諸山膏

可  
政  
五  
二  
卷  
四  
勸  
示  
腴幾萬頃。皆古來民居之處。俱可墾爲屯田。此開墾  
可得者也。

夫百年無滄桑之異。原隰非卷舒之資。疆界莫辨。付  
之誰何。黍稷倏而化爲烏有。強伴相懸。掌故安在。則  
今日起敝維新。奮然操獨斷之略。實惟

皇上深信必行何如耳。

皇上能深信必行。而不能身試自理。勢必託之各該  
臣工。第地方之臣。撫按重矣。而事權不專。監司專矣。

而鈐轄不遠。歲月因循。文移往返。遷代不嘗。旋復報  
罷。九重霄旰之淵衷。不無又成畫餅。規畫永計。必  
專。勅總督大臣一員。經理其事。而分遣繡衣使者。  
持斧按行各部。方爲畫一。然此非臣創爲說也。

按會典。嘉靖中。曾一時並遣三都御史。并發內帑  
銀兩。開墾屯田矣。其時北直隸則都御史張濂。南直  
隸廬鳳淮揚滁和山東兗州等處。則都御史王璣也。  
隆慶初。曾一勅都御史龐尙鵬。清理諸邊屯田矣。見



今南北又各設監察御史專理屯務也此

皇祖

先帝精心良法昭然簡冊者假令當年在事諸臣不以一行弛擔不以掣肘害成行之必久持之必堅迄今有不收永利乎臣願

皇上於諸大臣中博訪素有威望心計者一員特賜簡用加以戶部尚書兼察院都御史職銜駐劄臨清專管開屯一事將天下輿地除福建瀕海瘠薄江

西地狹人稠廣西貴州幅員有限廣東雲南邊臨荒徼俱聽彼處撫按官自行清查開報免其議派外其餘地方分爲八路以北直隸并遼東全鎮爲一路宣大延寧四鎮及山西通省爲一路河南山東二省并爲一路湖廣浙江二省各爲一路南直隸江南北十四府滁和等州爲一路陝西除延寧二鎮先已派屬山西其本省州縣有司及甘涼洮肅一應軍衛地方爲一路四川除新開遵義府各州縣及各土司止以

本省舊屬軍民地方爲一路共八路每路各分遣風力御史一員專理巡屯督臣持籌主計專制總理務使地無遺畝廩有餘蓄天下無事酌四方之水旱減價平糶以紓民困有事視軍書之緩急遠輸近饋以佐輜糧御史凡一路之中軍屯廢占民地欺隱山場陂堰可開洲渚灘蕩可佃草場官地宜復僧道贍院宜裁勲戚投獻非額高佃據違制傲吏支吾非實不才承風激衆者俱得事云清理丈量裁損論斥應

徑行者徑行按治應具奏者會同督臣一體奏請定奪務期綜核明確寬嚴得體使天下曉然知朝廷之意在裕國而不在侵民在祛奸而不在擾衆庶明憲節以表風猷第人跨隔省路遙百程遠所窮谷御史心思計慮可周而耳目步履或有所不能遍及仍將各該守巡等道換給勅書開載屯田一款俾循職掌殫心共事凡地方一應當典當革開載未盡事宜悉聽計處妥當商確舉行其各該州縣治農判

官主簿一向多未顧名思義殊爲曠職今合改爲屯務職事俾有專責効力宣勞至於屯政方興事干始創凡溝洫圩圻閘壩倉廩夫役犁鋤牛隻種子一應工費價值經營建造俱屬不貲若議設處不免起派請於內帑暫借二十萬太僕寺馬價暫借三十萬戶工二部各暫借十五萬共銀八十萬兩每御史項下分貯銀八萬總理大臣分貯一十六萬作爲母錢各聽支銷如其不足仍令各該司府州縣另行設處

俟屯田成日督臣查將各路一歲籽粒并贖贖變價還官等項銀兩通融湊算先儘炤數補還原本其餘作爲子錢大都各路裒多益少每路可得地一萬餘頃三年開成肥瘠相兼每頃約租三十石每歲約穀三十萬石八路可得二百四十萬石計出細米一百二十萬石是三年之積可抵一年之漕而十年之儲足當軍民勞輓三年之運也  
八路之內除河南山東二省係

福王殿下藩國隣封先經派撥莊田恐無餘地今議  
兩省已併一路湖廣查撥係王莊故地延寧割屬係  
衛所俱無失均

其遼陝山西三路臨近邊方屯田所出例應免其內  
輸但酌道里分爲本折二色就便徑解

薊遼宣大固原三軍門作正給事仍聽本部炤數扣  
兌年例銀兩

內地舊屯原係屯軍自種頃畝合數者炤前管業亦  
無另議紛更外止將新經查出屯地併墾過荒田應  
交籽粒查酌程途遠近分爲本折二項如某處某處  
近水通舟應輸本色某處某處路遠從陸宜輸銀兩  
定爲規則刊刻成書永爲遵守每年秋成各御史一  
面會題并揭報本部一面行各布政司在直隸者行  
各兵屯道督委的當官兵盡數起解總督衙門赴倉  
赴庫各交納收貯專備不嘗軍需並不許別項那借  
動支其或河道梗阻糧運愆期太倉果匱義當通融

地政考 二卷 九  
者聽漕司知會具題炤依倉支事例坐委附近衛所  
官軍駕撥減存船隻先將前項屯糧借動若干運赴  
京倉俟正糧船到炤數抵補庶屯額不虧京軍獲濟  
空船回南亦早下運可免稽遲此但權宜濟變一策  
並不爲例以起窺望至於解運屯糧合用船隻就將  
督臣衙門原貯銀兩於內支動若干委官江廣地方  
平價買木打造亦不得輕用漕船以撓正運及起僱  
民船致有司衙役抑勒商民之弊舊例御史凡差俱

係一年差滿回道管事而巡撫則以三年或陞或加  
俸級又道差以按學鹽漕爲大差而江倉屯馬僚屬  
往往故有從違人情亦且自相軒輊今後酌定巡屯  
御史俱限三年報命待事有成績仍遵令甲一  
載爲期其任內一應屯糧地土官評罰額及上供  
民糧帶徵久逋等項例得清查載入考成其論核廢  
屯官員部覆勿如同異如御史資深績懋炤監軍閱  
邊事例擬陞京堂用備邊方巡撫之擢特示隆重督

臣則專信久任。竟其運量。廢叙。召予恩在。朝廷。難拘成格。守巡等道。如果卓異。節鎮方牧。需次陞轉。視御史亦不少減。郡邑長吏。簿尉下僚。衛所棄吏。籌策胼胝。均屬在事。一聽憲臣。分別薦獎。儻有實心實政。任怨任勞。則與監司一體紀錄。不為預定。撫按二臣。共在地方。肩荷雖殊。體國則一。考績叙勞。應比督巡并聽。廷議督屯巡屯都御史御史二臣。各務祇承。付託捐竭赤誠。益國便民。用收一代弘績。各該撫

按亦務和衷共濟。贊成盛典。司府州縣。毋務分祖左右。致撓成議。而局外旁觀者。亦須愛惜人才。寬假歲月。勿輕採蜚語。致灰蓋臣謀國之心。諸如此類。併乞天語赫然宣諭。國脉攸關。人品所係。陰謀撓阻。聽臺省諸臣。公共擊之。庶事有始末。功成積累。屯政可望。永無替矣。如謂淮濟見駐大臣二員。不便輕議添設。但嘗使徐洪不淺。黃行故道。南保歸仁。北護沕河。不妨議以總河。改兼督屯衙門。移駐臨清。俟伏秋水發。

之時仍還濟寧暫駐三月經營料理若以一時並遣  
風憲多官爲難查得兩直見有邸馬屯田御史二差  
可以分巡南北二也而陝西亦馬於事爲簡遼薊巡  
關事權稍重俱可兼差止應添差四員亦非冗設至  
於督臣不就便駐劄濟寧而移鎮臨清者非喜更張  
而樂多事也

謹按臨清東連渤海西扼太行南漕荆吳北控畿  
輔固天下之脊燕趙淮徐之衝亦宋青齊之所會也

迤南臨濮地方每年馬市人集六省馬至萬匹萬一  
奸人於內乘機鼓動何以備之卽不然者九州安居  
內地帝闕遠在門庭一朝不戒有如庚戌闖關而  
入則山海以東一線可斷獨石紫荆而南在在可通  
太倉之積僅飽六師通州芻糧孤城虜衝勢難持久  
德州幾何不足以克昌保援兵之餅餌宣大延寧調  
遣之卒非臨清有蓄何以應之雖

皇上福德彌天神武震世未應私憂過計若此第自

庚戌虜犯之後已未犯近畿癸亥掠順義三河庚午  
大蹂永平昌黎等處卽

皇上御極以來邊方如遼薊甘延等處內地如劉汝  
谷金妖精趙古元鎮江僧人南京李賊福建潘奴并  
山東掃地王之類非一又安保千秋萬世終無一日  
風塵之警哉萬曆十三年據獲叛人郭大通供稱謀  
欲攻據臨清識者咸謂此地宜宿重兵正此意耳  
史稱曹操從棗祗言募民屯田許下又今郡國徧置

田官以是所在庾廩皆滿遂能誅鋤羣雄幾致混一  
夫天下大勢西稱巴蜀之饒南語江漢之沃東數吳  
越之利然當其時俱未領於中國之版圖而操獨擁  
中原礪礪之地遂能雄視一世則屯田之効何可盡  
廢乃今宇內金錢中虜外無五部守邊之雄連負相  
沿內失萬國憑公之義遂使三秋禾黍極目荆榛九  
塞貔貅傷心庚癸棗祗之孽畫絕響僞魏之富實罕  
聞臣竊惜之惜其以九州全盛之富未嘗見其豐有



川湖吳越之饒不能資其利也。以臣之愚。徼廟堂之算。憑

皇上之寵靈。試行其策。不獨修舊屯。使屯田皆實。屯軍皆精。而農可爲兵。開新屯。使兵亦可耕。民亦可墾。而人皆知農。不獨開天地。彌漫之陸海。以報尚方。而疏造化。久塞之泉源。以爲外府已也。將使收五年之積。可以添設。開原寬奠兵馬。保固北關。制服建酋。使不與西北二虜勢合。收十年之積。可使薊昌宣大

延寧六鎮。錢糧充足。邊備固完。賞罰嚴明。士氣振厲。虜怖而不敢渝盟。卽渝盟亦有所控制。不得肆志。大逞。收二十年之積。可增廣涿州河間兵馬城池。使畿南之地。與保定永平三輔犄角。屹然稱雄。此三者萬世利也。

皇上垂衣拱手。可坐觀其成者也。臣非過爲張皇。而謬爲誇詡者。蓋遼有建州。非遼之利。邊無餉賞。非邊之利。京師薄畿南之守。非燕薊之利也。何者。漢唐

都關中去高昌伊州萬三千里我朝都燕河間涿州肘腋紫荆倒馬土蠻順義則元派三衛則流派建州則金派駐牧巢穴俱不過千里而建酋又併南關併灰扒併叭那併黑龍江一帶設蠻子城以安插降人種類日繁土地日廣今雖佯服將來終屬隱憂近宣大諸虜亦以撫賞不繼各各颺去啟釁生心且兆見矣漢不惜開西域斷匈奴右臂設戊己較尉屯田異域豈

皇上獨惜中州屯田坐令荒蕪蒲地略畿南而孤三輔任匱缺以成東夷北虜之驕乎

說者難臣曰時方稱絀捐八十萬以責効於三年之後保能償歟臣謂不然道懸於天物布於地智者以衍愚者以困秦用鄭國鑿渠商鞅開阡陌迄今關隴猶襲富疆管仲專資鹽筴未講溝洫之政厥後千載莫能經畫遂使近者山東一荒流離幾孳填布五省非地方開與不開之明効大驗乎

誠使今日上下一心不責近効將國家萬世賴之寧八十萬之償乎曰屯雖失額荒者力限於地腴者富藏於民使者四出不無多事向者逆鑄之變以御史周東之清屯遼卒之謀以都指揮劉尚德之清屯可不慎歟臣謂不然足國務開利源得人始無廢法昔宋豐熙中分遣劉燹程顥等八人行諸路相度農田水利數年間得廣田四千七百九十三處凡三十

六萬一千一百一十頃有奇唐光啟中張全義起於羣盜其爲汝南尹喪亂之後戶不滿百乃選委十八人給一旗一榜分詣十八縣招徠農戶修理屯田遠近趨之遂成富庶然考顥等治蹟大意在寬一分民受一分而全義則明察人不能欺爲政寬簡激勸有術而已夫御史風力在能鋤強天下腴土多居豪猾若乃細民原非強橫開諭明白便自帖然奚多事之有乎况近年以來催馬價則差罔卿催木值則差郎

北政 二卷 十九  
署理荒政則差御史何至開屯獨難遣使至於遼東  
寧夏之事一以橫削生端一以逆瑾借釁是安得與  
明時並論耶曰古稱生財惟在節用經費不足而欲  
區區鑿旁孔以圖涓滴豈裕國之長策歟

自古國家中葉之世未嘗不窮財用欲求足用未嘗  
不事更張但恐其事勢倥傯更張無序於國無益於  
民徒擾耳漢建武中造皮幣算緡錢稅舟車鹽鐵唐  
建中廣德中權酒酤稅間架括富商封樞密至取京

兆民田每十畝收其一宋行均輸市易鑄鐵錢立酒  
權等務南渡以後卽僧寺道院嘗任物業亦紐計稅  
錢此皆因循推委規畫不早卒至情見勢屈國與民  
交受其敝不亦甚晚乎

今天下田土虧額至四百二十六萬頃有奇遣使開  
荒僅僅以八萬頃爲率所謂因天地自然之利而求  
什一於千百何得謂之旁孔耶曰樞密主兵度支主  
餉原有犬牙深意貯百萬之積以付專制之臣地重

糧多必且增兵必且拓險杜漸防微不爾失歟臣亦謂不然

正統土木之變虜酋也先聽河間亡命小田兒之計欲繇紫荆入據臨清嘉靖庚戌虜犯京城時勤王兵皆輕騎未齎糗糒戶部犒牛酒無經費以文移往返三日後人纔得數餅當時若使通州積貯不焚臨清輕齎可轉焉得窮迫遽至此乎况故事督臣遷轉不越再考無藩鎮之重臨德置倉預備自是

祖宗令甲若量留銀米各五十萬與舊留倉糧五十萬嘗川貯彼以備內地之非嘗而每歲所入悉從折色解部專設司屬一員主之科臣一員稽核之以備四夷之警息制變防微不爾得乎說者又難臣曰福王莊田未滿一萬三省已稱罄地無遺今謂每路可得地一萬餘頃或者閉門懸度未嘗親履地方之疆域歟不然地方諸臣敢為欺罔以抗詔旨歟臣竊謂不然

福王歲用見徵糧田臣今所言未開荒土諸臣搜括  
額外開地臣所乞查額內荒蕪荆棘蓬蒿豈可與稻  
梁黍稷之區同日語耶曰各部寺匱甚馬價無幾  
內帑之金久請不得今九邊甲士無人無地不虞脫  
巾而乃一則日十萬二十萬再則日十萬二十萬談  
何容易歟臣竊謂不然

黃酒王家等口之塞費水衝錢不貲猶借淮揚馬價  
并南中兵操船料銀二十萬分黃導淮之工約費八  
十萬泃河之開初估全工三百九十萬半工二百六  
十萬後草草就緒亦費二十餘萬近日三山塔山之  
費又將二十萬總計二十年來費過金錢不下二百  
餘萬而歲修與朱旺等口之費未計焉大抵爲漕事  
然而無儲積也

今以八十萬之資歲收一百二十萬子母之息何利  
如之况前者寧夏之役甫數閱月費餉百八十七萬  
倭之首尾七年費餉銀五百八十萬又援兵餉銀二

百餘萬。播州之役亦費二百萬。邇來山東蠲賑等項。又頓損三百萬。此非太倉罔寺之出。而皇稅之所乞留者乎。

今於南部寺蘆課馬價。并荆浙揚燕各鈔關量借十分之三。各省直拖欠解部銀兩量徵十分之三。湖口兩淮天津三稅鹽請乞。俞旨其留十分之三。不將一通融而有濟乎。曰天下地土非軍卽民安有餘田。卽使查出仍聽給主取而爲公家之有。於古未聞安得爲創事歟。且北地草場賠累甚矣。遽可指爲桑田耶。臣又竊謂不然。

史稱趙克國屯田。奏曰計度臨羌東至浩疊羌虜故田及公田民所未墾可二千頃。願罷騎留屯。韓重華守代北起雲中迄振武墾田三千餘里。歲省度支三千萬緡。范仲淹守西夏乞沿邊置營田。計畝定課少田處許蕃部進納荒田。以遷資酌轉。或糧給直。彼三臣所屯皆未墾荒地也。向使搜之官復給之民將安

所屯亦安從得粟乎。至於草場地畝，荒熟不同，肥瘠亦異。大江南北，每畝至有二三石不等者。要不可執一論也。曰：屯田之事，久費講求，竟鮮實効。今其議不在廟堂，而在疎遠之士，位卑言高，誰能諒之。且榷稅一節，爭者逾十年，愁者遍四海，人人莫不切齒。言利之人，今復以利進，得無犯衆指歟。臣又竊謂不然。聖哲之慮，在乎濟時。匹夫之言，可以集事。我朝會通一河，以濟寧同知潘叔正之議，南旺之建，以老人

白瑛之議，蘇浙魚鱗圖冊，以監生武淳等丈量編彙。一時相安，萬世永賴。未聞有以出位罪之者。唐裴延齡告其君曰：官吏太多，自今缺官，請勿補收其俸，以實府庫。憲宗諭宰相曰：兩河數十州縣，國家政令所不及，河湟數千里，皆淪左袵。朕欲雪祖宗耻，而財力不贍，不得不蓄聚耳。不然，宮中亦極儉薄，多藏將安用耶。

宋太祖置封樁庫，諭近臣曰：石晉割幽燕，以遺契丹。



使一方限於境外。朕甚憫之。俟庫滿若干。則以此酌之。不然。散滯財。募勇士。以圖攻取。可也。夫二君一臣。所見若此。

皇上缺官積稅。幾二十年。然萬曆九年。太倉漕糧。尚有千五百萬。今僅存四百萬。老庫銀兩。初有二千餘萬。今僅八萬。太僕寺初有千萬。今老庫已罄。而新庫亦止數十萬。相懸若此。何以稱天府而備非常。况損之滯財。償之墾土。可以補缺官。可以罷權稅。又安得以言利槩之。此臣所深慮熟計。以爲屯田之必當行也。

抑臣尤有說焉。臣之所言綱領也。非條目也。若夫相地利。酌時宜。因風土。順人情。權子母。規遲速。毋使地方未得其利。先受其擾。是在擔當之臣。身肩國事。奉行之吏。心切民隱。近建社稷之利。遠垂史冊之光。非小臣之明所能逆睹也。除穿渠築堰。畫井開方。宣洩樹藝。耕種蠶織。臣另擬次第。不敢先事瀆瀆外。所

有酌量應查應墾地土謹分爲十款理合開列進呈

鄭飛虹評

近見勦江援京諸師兵餉一仰郡縣遂有官軍殺戕之怨乃知

朝廷固宜有此區畫獨萬里兼程賊氛旁午援師尤不宜恃

朝廷之委一矣是又帥臣之所當知

### 官田

官田之名在各地不一此專言河塘壩堰及沒官地土原不屬民者若不指出概曰官田則奸胥必將絕戶田地輸價佃種買賣更番已久者通行詐冒閭閻未有不騷然矣可不慎歟

古者名山大澤不以封爲下之專利也故山海之利廣澤之蓄天下之藏皆宜屬少府後世官田之名率本於此今海內丘陵林麓湖泊塘堰江河灘渚及一應沒官入官清丈無糧地土均屬官田所在皆有司

或失于稽查。又為勢豪占種。或肆為乾沒。開破無名。支銷。以致公家失利。不無遺策。所當查出。還官。廢於法。紀畫一。臣按廣陵志。揚州舊有五塘。曰陳公塘者。在儀真縣東北。內有三十六汊。縈回九十餘里。漢廣陵太守陳登所建。曰句城小新。上下雷塘者。在江都縣北。唐都督府長史李襲稱所建。句陳二塘。大雷塘。等塘稍小。一向號為水櫃。專備濟漕。嘉靖三十年間。句陳二塘為逆犯仇鸞。奏討。在句城開過塘心九

千三百畝。零陳公開過一萬四千畝。零作為祭田。後鸞伏誅。前田歸官。該本府知府吳桂芳。看得漕河地。仰塘心淤平。水本無源。不足灌注。將句城塘召人佃買。量變價銀一萬四千餘兩。克瓜洲建城之費。其餘四塘先後相繼。為豪強佃種。此守揚疏議。并志議可考者。

嘉靖三十三年間。都御史唐順之。謂浙江金塘玉環諸山。皆自古民居之地。可墾田萬頃。以足軍需。

官田

萬曆三十三年。撫臣劉元霖謂海外沃壤。不宜輕議開墾。致惹邊釁。但玉環去樂清太平二縣不遠。獨屬境內。今兩縣之民雖禁。而未嘗不開。若處置得宜。似可取克餉用。此載之籌海圖編。兩浙類考續編可據者。

萬曆二十二年。山東撫臣鄭汝璧疏稱登州海北長山諸島。離城僅四十里。地土肥饒。可堪耕種。臣巡海上。登城一望。近若几席。與僻遠各島不同。查理島中。原有三城。萬畝之地。可資千軍之餉。

四十三年。巡漕御史朱階疏稱安山南望一帶。設爲水櫃。先年有建議召人佃種者。河成王以旂王廷力爭之。今昭陽一湖。開作藩田。其餘高亢者。半爲勢豪占種。此載在開島田以佐軍資。并修復原湖疏。款可考者。

萬曆初。高郵州民陸思弟兄互評占種高寶兩處無糧田地。在本州查出二千七百餘畝。估價六百三十

餘兩召人佃領其實應者未計陝西秦藩護官軍  
近題改設寧夏所遺屯田約四萬餘畝見爲本府  
名役隱種此疏卷可証者總計前項湖塘山島不止  
十五萬畝而用價佃領者不過十之二三所佃之價  
較之時值又不過十之二三若參酌民間鄉例收過  
花有十年以上者給償原價十分之七廿年以上者  
給償原價十分之五炤數給銀與同原未上價及應  
開未開者一併查出登記冊籍或官給牛種召人開

耕或加租斗聽人領佃但使尺寸必入公家豪強不  
得兼併卽得要領而佃種之法止憑民便不必偏執  
一法大率哀多益少前田地一歲得穀可六萬石積  
漸而計甚屬不貲况田旣在官一旦漕梗而炤舊蓄  
水海警而炤舊輟耕伸縮在我視之久假不歸緩急  
而無可奈何者萬萬矣夫六師萬姓仰涓滴於漕渠  
而藩王擅湖陂以自利於義未安間闖赤子其桎  
梏以催科而奸人肆欺隱而白種於法甚悖南畝耕

夫苦立錐之無地而海上棄桑田爲甌脫於情可惜  
陳奏如此未查可知高寶如此天下可知若立期限  
以責有司之查懸賞格以聽諸人之首當必有什伯  
於此者矣

### 荒田

荒田宜開固矣但有無多寡不一是在當事  
親履疆畝虛心研察期無擾民大約以鄉官  
士民之公道者爲之猶爲近情若土下遞委  
必入奸胥之手病民實甚如鄉時特設部司  
督造賦役全書以大臣領之何如鄭重郡邑  
雖有造報多不一示士民賦役虛實有無情  
弊紛買如故也上  
焉者何從知之乎

承平日久人習奢靡惰遊者離棄南畝逐末者奔走  
四方以致所在田畝荒莽極目嘉靖中詹事霍韜奏  
稱洪武十四年天下田土原額八百四十九萬頃有

奇至弘治十五年存額止四百二十二萬頃有奇虧額強半及細加查考在湖廣原額二百二十萬頃零今止存額二十三萬頃零河南原額二百四十四萬頃零今止存額四十一萬頃零廣東原額二十三萬今止七萬此皆欺隱於小民者也我朝賦稅先後盈縮此其大都載在後湖志并通紀可考也

湖廣環六千里之封疆三湘七澤汝蔡漢沔貫注南兆頗稱腴壤何至遽虧十分之九河南引河爲利土性沃饒何至遽虧十分之七縱有藩封數亦無幾總之荒蕪固尚多也查得萬曆三十二年巡按御史高攀枝請留漕米五萬分給鳳陽一府開荒比時懷遠縣知縣王存敬詳稱本縣原額田地共五千二百七十五頃有奇今計筭拋荒過二千一百三十五頃有奇載在開荒圖冊

萬曆四十四年四月內鳳陽撫臣陳薦題據淮徐兵備道袁應泰呈據贛榆縣知縣虞之訓條陳開荒

一欵內稱前任知縣樊兆程原設莊田一百餘處約計一千餘頃堪以招撫流移載在邸報及查樊知縣後陞濬海郎中亦稱淮揚荒土甚多安東直至贛

榆爲路六七百里中間曠土不下萬頃安東之大湖海州之傅湖沐陽之桑墟湖贛榆之南湖各方廣不下數十里土淖地平俱可開通溝渠以利灌溉便成水田載在經世實用以上諸臣前之所言缺額如彼後之所言可開如此然自正德以來一百一十年

間缺額荒蕪亦復如故則守土之臣實未嘗留心于此夫復何辭顧事當創始計慮宜周地係久荒經營不易合候命下聽督巡二臣專委各省直屯田道及各府正官請將南京後湖先年魚鱗冊籍與吊到各屬近年黃冊逐一查對要見某州某縣原額田土若干見今成熟若干拋荒若干冊沒若干成熟者有無欺隱冊沒者曾否開銷拋荒者作何開種務要親履疆畝



今江西建昌陝西漢中二府見刊清丈均田書冊延  
召端方通敏致事鄉官公直人等細加體勘丈量除  
欺隱者追出還官坍沒者炤數開破及荒田原有人  
佃領代糧者仍准承業俱無另議外其一應丈出田  
地採訪輿論或借給牛種召人承佃或南方五頃以  
上北方十頃以上有產之家每家定限墾田一頃田  
多者仍炤頃加算至十頃而止或設有倉兵之處每  
一百名以七十名操防三十名承佃三畝屯種如古

營田之制或每縣民壯五十七名責令量分三分之  
一領佃仍各預借二年兵糧工食以便備辦犁鋤工  
本三年以後方許一例陞租

開荒之法卽不能做古井田一畝三畝深尺廣尺畝  
達於溝深廣四尺之制但合數百畝之田必有溝合  
數十溝之水必有川合數大川之水必就窪而爲湖  
以達於河於江而滙於海則高亢者有瀦卑下者有  
障固非苟完於目前亦非靡費於無用工爲千秋之

荼而獲有百倍之饒矣。

通合大計。每大縣上戶三百家。可墾田三萬畝。中縣上戶一百五十家。可墾田萬五千畝。江北五七十州縣。中大相兼。約可墾田一百三十萬畝。民壯九千六百名。分爲三番。每番人二十畝。可墾田六萬畝。三番共一十八萬畝。淮南。淮北。見兵萬五千人。六分三番。每番人三十畝。可墾田一十五萬畝。三番共田四十五萬畝。縱天下不皆設兵之處。而土戶民壯。何縣無

之。合用錢糧。卽於各縣原有額設營田官牛若干頭。嘗平預備倉糧萬石之內。給發如其不足。更於御史廉備八萬銀內動支。各該有司仍以贖緩等項。實心實計佐之。不然者。坐以違悖。詔旨重罪。夫田必五畝。是以十分餘力。開二分閑田。按冊召耕。奸何所售。糧必二年。是每田一頃。得銀六十。工本既厚。田工不成。昔鄧艾屯勺陂。卽今兩淮南北山東諸水。既借灌漑。則蓄洩有碍。燕齊視淮。又切外廩。鳳陽營田僉事



江之軍屯田却在江北六合天長泰興江都等處淮  
北潁宿蒙亳之田却又給與淮南鳳陽等衛諸軍其  
後年歲久遠漸浸迷占虧額日甚查得詞臣葉向高  
所著屯政考內稱嘉靖以來時盈時耗而較其見盈  
之數大約損故額十之六七

洪永間遼東屯糧以石計者七十萬今則十七萬其  
肅六十萬今十三萬寧夏十八萬今十四萬九千延  
綏六萬今五萬薊州十一萬今僅同延綏計山西初  
亦不下十萬今得二萬八千有奇相懸之數大略如  
此

今查先任湖廣推官華鉦奏委清查岳州衛屯田議  
稱該衛屯弊有民占軍屯者有軍占軍屯者有官占  
軍屯者有田去糧存者昔之屯以贍正軍今之屯以  
優豪橫昔一人而并二三屯者罰不宥今一家而冒  
四五十屯者置不問當事者詢謀貴廣矢志貴公卹  
不敢謂岳之役足悉各都司之蠹弊第以一隅徵天

下去太去甚。何難更始。所有清出勢豪多屯及老幼  
虛操共一百一十名。該屯糧三百二十四石五斗七  
升零。應當改作公屯。又經會同該衛印屯官酌派每  
石每年量起租課十石。共該租三千二百四十五石  
自萬曆二十七年起。請乞行令岳州府委官置立即  
簿。炤數徵收。

又查得隆慶四年間。陝西三邊總督王崇古議清屯  
額以給邊儲。疏內稱固原清丈出餘川坡地共三千  
八百五十三頃有奇。議炤每屯一分。丈出餘地五十  
畝以下。免增租糧。其餘分別量增。寧夏清丈出新開  
餘地共三千一百頃有奇。延綏靖邊定邊二道。清丈  
出餘地一萬五千八百一頃有奇。各地腴瘠不同。岡  
坡不一。有二頃折一頃者。有徵糧徵糜。徵銀者在延  
綏一鎮。丈出餘地。則徵糧銀九千六百九十五兩零。  
載在督府奏議。

萬曆四十一年。屯田御史陳玉輝批詳曰。查得嘉靖

九年戶部題准南京各衛近年荒田許其不論軍民僧道之家各擇所便開坐坵段赴告給帖承佃免其糧差二年屯官不許分外科擾則亦有百姓開軍田之例矣該衛中前二所若不開墾終爲荒蕪胡維城等告佃納糧見有舊例可查如以屯中一應差役不便俟三年成熟後十分中量撥一二分與屯軍耕種以便一應差役此蓋時勢之可變通者百戶蘇有春之言蓋有所爲烏知爲國課計乎

揚州道速酌議報此附在屯田衙門卷內者夫詞臣所稱缺額之數理官所核奸弊之繇督臣查增多餘之畝御史召種開荒之例以此參考則屯田不可不查查出多餘之地不可不加租銀久荒占種之田不必拘也復給原軍蓋明甚矣但各衛屯田連州跨邑都司有司未必盡知世官世軍自難欺掩合候命下聽督巡二臣檄行屯田闔臬二司督行各衛印屯等官推舉老成奉法深知屯務有志上進者不拘指

揮千百戶。每衛一二員。聽隨清丈。

清丈之法。先將本衛屯田老冊。逐一細查。要見某所某伍。坐落某處。原設屯田若干分。四至某處。某處。見今是否原額。或本軍曾否盜賣。或勢宦舉監生員。州縣吏皂豪民之家。曾否霸種。或衛所官舍豪強之輩。有無白占。虛影差徭。或吏識人等有無倚仗刀筆。一人而占田數十餘分。或各軍果否原田一分。多至三四百畝。臨丈之時。却乃串結附近民竈人等。遺漏隱

匿。或田雖荒蕪而高亢者。有無水利可開。低窪者。有無土田可取培築。逐一細查明白。除盜買者。許令自首。各免問罪。仍給原銀一半。霸種白占者。免追花利。速令吐退。荒蕪者。查炤頃畝。四至。各還官。聽作公屯。其一家而占多屯。行令分給丁多窮軍。一分屯田。多至三四百畝者。分作二分。給與異姓軍人。仍加墜屯糧貯作公費外。前項查出一應多田。設法召入。一如官田之例。開濬挑築。一如荒田之例。其皆衛所舉隨

丈各官各要悉心體訪務合原額毋避豪勢毋徇賄  
利儻有實心任事竭力營公立有成効者不妨特擢  
督巡衙門咨薦陞授守把官員以示風異郎不肖菴  
計賊問遣彼亦何辭。

大約邊腹守把提備四百有奇三年一陞每年該出  
一百餘缺以一半推用邊材武舉一半待推領運開  
屯二項官員則開屯者既無積薦之苦又省鑽圖之  
費將人人思奮人人奉公天下爲衛者計四百九十  
三爲守禦所者計三百一十五郎邊方界虜宜從寬  
假而腹裏優游何所縱庇將所清之屯不可勝紀所  
增之粟不可勝用矣。



洲田

先臣御史余勉學陳江防二事。一飭武備。以靖江洋。議凡巡江軍快。務足百名之上。使其平居嘗川操練。有警互相應援。一設營伍。以據要害。議于江北要處。量撥官軍築堡守備。聲勢相接。今日之防江亟矣。乃遊兵一二船隻外。略無巡守。豈非以餉無從出歟。若以江洲之接生水影。勿許勢要占據。屯以餉兵。則以江防江。為法亦便。

洲田者江中沙洲之田也。自南昌九江而下。至海門。劉河二千五百餘里。中間為洲者不下數十百處。袤長方廣。不必盡同。要之各洲大者不下六七十里。小

者亦不下二三十里其最大者至建靖江崇明縣治  
各一雖凝聚崩潰無嘗然皆數十百年一見非朝更  
夕改歲變月遷可比者是以其中沙民深渠高岸建  
置函牖啟閉蓄洩隨潮長落故無甚大旱大潦之歲  
而田主遂得陰與造物爭權計其告報之初不過曰  
沙洲接生水影約有幾千餘畝泥灘約有幾百幾十  
幾畝該課銀幾錢幾分幾釐蓋每歲每畝止銀一釐  
耳然又以百爲十以千爲百及至田成之後每畝挑

築工食之費不過二兩而其田遂值六兩七兩不等  
永爲子孫世守之業即成熟陞租每畝亦止五分絕  
無諸色差徭其間尙有欺隱未必畝畝盡輸課也  
按漢賢良文學曰民太富則不可以祿使也太強則  
不可以威罰也又曰人臣而權均於君富敵於國者  
亾其意蓋欲在上者有所防在下者有所畏也臣聞  
江南富民有田連六縣七弟衣冠而身甘刑戮者有  
貲雄百萬獻田鄉紳妄認同宗者臣竊爲此輩太息

夫與其爲富不仁，孰若稍損而從之約，與其散金結客，孰若好義而輸之公。况習敢爲欺隱，犯造化之所忌，而爲刑章之所必不貸乎，亦愚甚矣。

查得宋乾道年間，曾稅沙田以助軍餉。時相葉顥曰：沙田者，乃江濱出沒之地，百姓隨沙漲而田焉，未可以爲嘗也。且比年兵興，兩淮之田租竝復，况沙田乎。此以兵興之故，不可失信於兩淮而言也。萬曆四十四年，巡江御史汪有功疏曰：沙田東灘西漲，彼縮此

盈，非若土地之一成不變也。此以洲人出沒烟波，素稱盜藪。

萬曆二十七年，下江地方有新漲洲田，未盡報官。指揮馬尚仁指實具奏。曾奉聖旨：着守備衙門選委內官一員，會同撫按及本部備查遺漏，隱占洲塲。該守備衙門隨委太監黨存仁會行。聞彼時止取各洲冊籍，據佃戶陳錢等願認佃銀三萬七千五百七十餘兩，又每歲徵租四千五百七十餘兩。其上江地

方無爲上元等州縣先經清丈較舊額多銀三千三百餘兩者歸併揚鎮等處四千餘兩之內免其丈量二項共銀七千三百有奇名爲皇莊夫丈量之設爲欺隱也丈而無隱不妨炤舊丈而有餘自難欺掩不丈而租上爲無名之徵下起包賠之謗則又何憚而不丈也且丈亦無甚難者一洲縱橫不過數十里若百步一簞簞盡卽釘一椿復簞復椿洲盡而止橫亦如之總計長若干丈廣若干丈推算步法卽知頃

畝除起原數便是多餘大率一大洲不過兩日之工數十椿之力丈量之事畢欺隱之情見矣合候命下聽督巡二臣專委屯田道行令江防官督同各該附近有司先將南部蘆課衙門關到道屬各洲冊籍炤無洗改字樣然後查對數目親履疆畝逐一丈量要見某洲該田若干每歲納租若干今丈若干是否與舊數相合少者卽與開銷多者炤數登記仍查係駐洲畝實筭如係衰洲每十里而蠲其一以備衝

刷各該江防州縣同時並舉毋致久延各該屯田道  
按冊親臨抽丈一二以爲覆核大率上下二江通長  
查算若出二十萬六千七十畝原數之外畝畝皆公  
家之田每畝徵租八斗而歲之所入不下數萬矣  
再炤愚民易與爲非多財足以亂法儻清丈之處敢  
有奸民誘噴鄉愚聚衆號呼阻撓委官者卽許屯田  
兵備道先將爲首數人拿解總督衙門具題請  
旨梟首示衆田主大姓間擬化外爲民田產盡數入

官所在有司卽係不能化導禁戢從重降罰先儒張  
載所謂不刑一人法終不行者正此意也夫法旣必  
行事當服衆尤望

皇上斷然將此清出餘田所獲貯之外府勿復更爲  
皇莊名色則人心感奮奸欺自銷千里盤踞之區百  
年未清之局可一旦而克公家之左藏矣

鄭羽公評

諸田唯洲田之利獨多而歸世祿之家者殆盡

予嘗繇九江至瓜儀一帶無不然者亦曾聞有  
招奸興訟殺人破產比比而然矣苟不善為清  
查嚴為禁遏為憂亦自不少惟當事者畜之意  
焉。

### 竈田

竈田者各場竈丁開墾草蕩而成之田也舊制竈丁  
給蕩一十三畝責以辦課一引該鹽二百五斤其煎  
下多餘火鹽聽其自賣與商以補應完挑河餘鹽之  
之數近來總竈人等憚淋漓之苦貪種田之利惟將  
前項草場逐次開墾在鹽法提綱所謂兩淮草蕩原  
額五萬二千一百餘頃者聞已開過數千餘頃每田  
一畝收稻二石每稻一石值價二錢田日益開竈日

益富鹽日益貴商日益困當事者始屢嚴禁以遏其趨矣

查得萬曆三十二年巡鹽御史喬應甲四十二年巡鹽御史徐縉芳禁約疏議大約謂墾田之利大於煎鹽以故竈戶不務煎鹽而務墾田鹽之所以日貴也賣草之利易於煎鹽以故竈戶不務煎鹽而務賣草草出場場中無竈戶矣鹽之所以益貴也墾田賣草本色日少所以告折色告單折者不已耳

查得萬曆三十八年管南皮縣事河間府通判李正華議謂竈田竈地不能辭民間俵解等差而民買竈地亦納運司鹽課是固不可異同者惟是竈地小畝二畝九分折徵糧大地一畝比之民地二畝七分折一畝者尚少地二分民地畝科五分有奇竈地畝科三分有奇不無太輕槩應量加以示均平不必另立民買竈地名色致滋日後那移詭避之弊二項載在鹽政實錄并審編條議可考夫御史禁約是實見竈

地開墾之多。縣官編審。是竈地亦有徵租之例。今淮南場分。如富安場草蕩。至五千一百二十八頃零矣。而課止二萬三千七百一十六引。向埭場草蕩三千三百六頃零矣。而課止一萬七千五百二引。淮北板浦場。原無草蕩。歲課至五萬二千一百九十八引。臨洪場。原無草蕩。歲課至四萬九百三十六引。在淮南蕩多課少。淮北無蕩課多。雖地方有煎鹽灑鹽用草不用草之異。畢竟草蕩逾額。安得不啟淮南竈丁之私墾乎。

夫課有程法。固難擅更。而蕩可私開。應加簡制。合候命下。聽督巡衙門會同鹽臣行屯田鹽法二道。親詣各場。自四十三年巡鹽御史謝正蒙所修築范公堤以外爲界。南起海門。北抵廟灣。西起本隄根脚。東至海邊光沙。逐一踏看。遇有成熟田地。即便炤依各場界河。逐一丈量。要見某蕩計田若干。每畝酌議徵銀若干。通計淮南二十五場。其田若干。其租若干。已經



成熟者不許遺漏。未曾開墾者，以後並不許私自開  
耕。不奉明文，再行私墾，被人告發，盡追入官。大約淮  
南土性腴潤，較之山東既無沙鹼之病，比之洲田亦  
無崩潰之虞。卽每畝徵銀五分，而墾者尚有饒利。除  
河東川廣，係池井二鹽原無草蕩外，其山東長蘆兩  
浙、福建四運司亦可倣行。截長補短，一歲之中，當不  
止數萬之積矣。臣非不知竈之當恤也，顧開墾者富  
竈也，非貧竈也。非不知竈已辦課也，顧力役之征，非租  
庸調三者並論之法也。此文量與陞租之法，所以斷  
斷乎宜行也。至於煮海之塲，風土犷悍，雖稱易動，然  
御史之憲法，足以振飭裁抑之。不然者，有洲民叫囂  
之例在，而更嚴其煽惑主使者，庶公私兩益，商竈俱  
平，庾廩亦不無少補矣。



及九十八羣。以蕃畜馬匹。當時養馬於民。春時牧放。游牝。秋冬入寺。擇各州縣旁近水草豐美之區。以爲牧地。號曰草場。諸司職掌。所謂廐牧者也。其後革監牧。歸併有司。至萬曆九年。

皇上俞寺卿裴應章之議。查炤少卿武金等先年所奏事例。盡革養馬徵解錢兩。前項草場聽人領佃。此南大僕草場開墾之繇也。

成祖文皇帝建都北平。設北平苑馬寺。又設遼東。甘肅。陝西。三苑馬寺。更戶馬曰種馬。蓋一牡九牝。則

會典所謂孳牧者也。其時陝西設有六監。二十四苑。計草場一十三萬三千七百七十七頃有奇。其後苑監雖有存革。而草場如故。至弘治十三年。兵部主事李源奉勅查勘。見存止有六萬六千八百八十餘頃矣。至正德中。督臣楊一清專理馬政。始設法嚴查。清出軍民唐釗及苟通等。盜占草場。炤數追斷還官。共足一十二萬八千四百七十三頃有奇。較之原數。

所差無幾此西北草場侵復之繇也。夫自古國勢興衰在兵而兵之強弱全在糧馬。漢初一馬值百金天子不能具駟乘。至武帝始阡陌成羣。唐初鳩括殘騎纔牝牡三千。至張萬歲王毛仲始雲錦成羣。宋靖康中丞相李綱請馬備虜僅分殿前司御馬三千之半。此外絕無。蓋漢唐承秦隋之耗而宋則自襲其耗與倣也。語曰戎馬出西北財賦出東南今西北旣苦征屯未有兩失其利者矣。

嘗考熙朝奏議科臣張世則曰查據本寺碑記七監于正德年間共地一十三萬頃有零。迄今歲減月削失却原額止存見在養馬併納租地三萬一千二百二十頃有零。又於內除七千餘頃起徵餉銀二千一百七十兩零。解發靖邊道抵克軍餉實在養馬止二萬四千餘頃而已。又曰卷查先年事例上監牧馬一萬匹中監牧馬七千匹下監四千匹。近來上監不過五千匹中下二監又可知矣。此以先今馬匹登耗之

數而言也。

按萬曆四十三年南太僕寺卿劉汝康循例舉劾一疏謂每歲罔賦額數原該銀二十三萬七千五百六十兩有奇各州縣完解到寺亦及二十一萬二千九十九兩有奇較之往歲差不失額此合馬價草料場租而言也然查場租不過一萬二百二十七兩零也南北糧馬大較若此除陝西苑監草場聽戶部酌議應否徵銀及增牧馬匹另議外合候 命下聽督巡

二臣行各該屯田道移會南太僕寺將所屬江北廬鳳滁和江南應天鎮江各州縣及飛熊廣武各衛原設一應民牧衛牧草場冊簿并太僕寺碑誌關送該道按冊行各州縣清查要見每縣原數若干見今成熟若干未開若干既稱原係水草豐美之地必多高岡可以盡墾如墾之後每畝應該陞租若干共該若干已開者即便還官未開者火速查出聽人荒熟兼領使有微利方始盡力開墾其先前成熟之田仍查

會否上納價銀及挑築溝岸費用工本如會上價炤  
依官田事例查算年分給賞銀兩如未上價止查所  
用工本分別大小量給銀兩以酬所費在上造蓋倉  
厥聽其拆去自行別用但不許祈伐樹木毀壞車蓬  
致滋狼狽大率如高郵一州誌載草場一百二十餘  
頃江南江北八府四州所屬州縣并衛牧大約不止  
七千餘頃腴者每畝徵租四斗瘠者每畝徵租二斗  
熟者當年徵解荒者三年陞科荒蕪俱開腴瘠各半

每歲約租可得一二十萬石每石三錢價值六萬餘  
兩足增原額五倍十年計之甚非小補臣見江南江  
北丹陽溧水江都泰興等處已開羣田餘糧棲畝不  
殊負郭及往返江北邳宿道上未開草場荻茅蒙密  
水口非遙因歎地無美惡人力之齊不齊相去遂遠  
故江都泰興每歲各輸場租一千一百餘兩而通泰  
興寶各二三十兩不等邳鹽更少益足證矣  
夫守土者在恤民卽一草一粒不輕派徵謂恐擾閭

閭而傷元氣。理財者在裕國。卽一錙一銖。俱堪積累。奈何遺厚利而庇豪強。况事變無常。操慮貴遠。此地盡墾。一旦用馬。每地五頃。限養一馬。官給原徵價料。則穎毫皆產馬之鄉。阡陌有芻秣之具。今議一定。臨期無僉報之煩。計畝課良。緩急有千乘之備。苟不失戶馬之遺意矣。

### 僧田

僧以田爲利。該管衙門或卽以僧爲利。聞天界等寺僧某某。以富故。身家不保。田不幾爲僧之累乎。况又隱種人田。誰推他邑乎。僧亦可以自裁矣。

釋老二氏。世多薄之。我朝不廢其教。蓋欲其開導愚民。或可陰助教化之所不及也。顧道家以清浮無爲爲宗。佛門以忍辱苦行爲事。一爐一鉢。足以焚修。若使廣置田園。則名挂官府之籍。心有催科之擾。應役者招遙城市。主院者會計倉廩。何以度羣迷而釐

國福臣恭誦

高皇帝御製文集其諭天界寺僧有云二善世一覺義奏溧水一莊收糧五百有零除納糧外餘四百一十二石九斗六升盡爲役夫之用不足又四百貫鈔益之猶謂不足今來需者甚溧陽莊如之朕准其奏又讀成化年間尙書王恕疏稱據太平府申先年燒造輓料柴薪在於鱗魚洲等處蘆場斫用行查得與龍巡簡司原額蘆場坐落鱗魚洲先該天界能仁雞

鳴三寺乞討已撥與天界寺三十五頃能仁寺一十七頃雞鳴一十三頃本司見存蘆場止有若干總計三寺前後所乞不止六千餘畝

永樂十四年修武當宮觀成賜名曰太和太岳之山給道士田二百七十七頃并耕戶以贍之每官提點一人秩正六而南禮部祠祭司職掌五山住持歲收田租更不貲也竊詳

二祖開天規模弘遠所以優給僧道豈無所見



按宋臣歐陽修所作昭仁寺碑記謂寺在幽州唐太宗與薛舉戰處也唐自舉義與羣雄戰處後皆建佛寺云爲陣亾士薦福淵乎聖慮蓋超越唐宗之上豈後世豎儒小臣所能仰測獨惟此輩恣睢橫肆莫知自簡侵擾細民蠹及國用朝廷之上始不得

不爲之禁制也  
正德年間督臣楊一清疏則崆峒寺僧占種小山子一帶草場五百餘頃矣萬曆初儀真知縣况于梧天

寧寺碑則謂寺有帶子溝草場田一千一百六十二畝而奸僧有蓄奪之者矣萬曆四十三年七月南科管後湖給事中黃建中田糧欺隱一疏據嘉善縣里老俞汝猷沈茂思等呈稱萬曆九年丈量被奸僧陳玄燈等隱田二萬六千五百畝詭推與嘉興秀水二縣矣此僧衆橫占無忌者也

按典故永樂二年詔凡中外軍民子弟自剃髮爲僧者并其父兄發五臺山輪作畢日就北京爲民種

田正統時彌陀寺僧 奏本寺原種宛平縣土城外  
地十八頃有奇。近蒙戶部委官踏勘。命輸稅糧。臣空  
寂之徒。乞賜蠲免。

英宗曰。僧既不能輸稅。其地没入官。嘉靖時。言者請  
炤景泰年間事例。各寺觀每留田六十畝。餘悉給民  
佃種。疏入下所司。此皆 田賦法則。一疏。嘉善縣  
列聖相承。簡裁僧衆者也。夫浮屠三宿。桑下老子。隻  
牛出關。彼其先安事田園耘耔。乃今百耦千畦。不租  
不稅。嬉遊飽煖。失道迷宗。大非

祖宗優厚之初意。除小山子已經入官。帶子溝。尚輸  
租稅。姑置不論外。其奸僧陳玄燈。見種嘉善縣無糧  
田三萬六千五百畝。自萬曆九年丈量爲始。迄今三  
十五年。每年每畝租銀五分。一歲該納租銀一千八  
百餘兩。三十五年。共隱租銀六萬餘兩。卽以三十六  
年發覺爲始。迄今亦已八年。隱租一萬五千餘兩。比  
之律例所稱。凡隱匿田糧五畝以上。笞四十。田入官。

每五畝加一等。及勢豪大戶恃頑不納秋糧二百石以上。俱擬戍遣者。情法更重。前項田地。所當免追。花利盡數入官。况背違舊制。隔縣推收。官府立石而不聽。撫按批定而不遵。鄉官公揭而不畏。是尚知有三尺乎。合候命下。聽彼處撫按不必覆審。先將本田四十五年夏秋禾麥。查追上倉。候克興理屯田之用。其四十六年以後。會同督巡二臣。召人佃種。每畝每歲免其一應糧差。止徵淨租一石。其或腴瘠不同。豐歉不一。從長更議。務求妥確。仍通行各省直。一應名山大刹。有非欽賜田土。節年自行奏討。或雖係欽賜之數。而歲久迷失。爲勢豪及佃戶地。隣人等占據者。一體查出歸官。庶寺無餘田。田無冒據。遊徒不致結聚。戶口亦可殷繁矣。

鄭十師評

僧田之弊如此。尤宜儆正禁止。使之勿紊清規。以上隆我

祖宗優崇佛教之遺意也。奈何頑僧翫法如是而士大夫婚佛者又從而私之。至今日亦已極矣。禁僧之法當先自內始。自上始。

勳田

按嘉靖朝侍郎王軌言。皇上命查莊田。見勳戚之家。占據膏腴。跨連郡邑。乞如成周之制。隨其品級而定擬多寡。別其親疎而量為裁革。其自置田土。不報納糧。差者俱追。斷如功臣田土例。上曰。已往田土亦宜查明。有分外強占者。俱給原主。自今勳戚大臣。務各安分。以保祿位。不許妄行陳乞。

國初勳臣受盟帶礪。與國無疆。戚畹親託椒房。誼同休戚。計其歲祿。與欽賜莊田。視古封邑無異。若能遵制謹度。崇雅黜浮。亦可仁及九族。何不足之是虞。無

中政列 二卷 五十七 勸社  
奈支庶蕃夥僮隸結集遂有憑恃威權恣行漁奪或  
豎旗強占或統人鬪爭以致小民不堪無所告訴而  
沃饒之地一切為勢家所有者矣此勲田之不可無  
所限制也。

恭親 國朝典故正統中慶雲伯周壽并其弟周或  
兄弟受奸民李政魏忠等投獻 奏討慶都清苑清  
河三縣地共五千四百頃又討景州東光縣地一千  
九百頃為莊田正德中 皇親吳讓沈傳受奸民李

良等投獻 奏討靜海縣莊田六千五百餘頃嘉靖  
中戶部查議黔國公沐朝弼莊田計一百七十四處  
而在陝西固原境內則四千六百餘頃此皆當日  
錫子駢繁占種逾額者及查永樂中隆平侯張信強  
占練湖田八百餘頃又占江陰縣官田七十餘頃為  
都御史陳瑛所劾。

成祖曰昔中山王有沙洲一區耕農水道所經其家  
僮嘗據之以擅利中山王聞之遂歸其田於官今信

何敢貪縱厲民如此。命法司雜治之。正德中，兵部侍郎胡汝礪丈量過公侯伯指揮等官張懋等莊田地，共一千八百頃。得旨：公侯伯等官既有嘗祿在外莊田，徒使利歸佃戶家人。卽今邊儲缺乏，各官豈無憂國足邊之心？查出地土，宜炤例起科，革去管莊人役。各家願自種者聽，不願者撥與附近空閑舍餘種納，還量地利厚薄，以定則例。命各邊查出地土，視此行之。

嘉靖中，楊一清言：八府土田多爲勢豪乞討，使民失其嘗業。得旨：八府軍民徵糧地土多爲奸人投獻，勢豪朦朧請乞逼取地租，雖有勘斷終不明白，民失嘗產，何以爲命。京畿如此，在外可知。宜令戶部推侍郎及科道有風裁者各一人領勅往勘，不問皇親勢要，凡係濫請及額外占奪民業曾經奏訴者，查冊勘還。各項草場亦有將軍民地土混占者，一體清查。外省令御史接行。諸王府及功臣家惟

祖宗 欽賜有籍可據則已。凡近日請乞及多餘侵  
占者。皆還軍民各處勢要。亦有指軍世業爲拋荒。獵  
而有之。皆宜處置。事竣具上其籍。戶部務綜其實。以  
副朕恤民固本之意。承委官有畏避權勢。保私蔽公  
者。以狀聞。此皆累朝嚴爲限制者。

嘗考之北直隸地方。向因兵興。人民逃散。田地荒蕪。  
以是

二祖並有永不起科之例。後因無糧田多。遂使奸民  
以之投獻。勲戚因而收受。雖經裁革。旋復夤投。恭值  
聖神定制。戚畹尙計世遞。減諸勲。諒無例外請乞。然  
亦豈無私受投獻。

按景泰中。永嘉大長公主願以置買無錫縣田一  
千二百餘畝。歸有司。助供軍馬之用。萬曆十五年。華  
亭縣監生顧正心。捐銀十萬。置買義田。以助差役。夫  
公主書生。尚周軍國地方之急。豈以貂冕世臣。而忘  
大義。合無請乞

皇上天語省諭勲戚大臣凡有先年受人投獻無糧  
田地及勲衛家人人等私自占種者在京限四個月  
以外南京限五個月以外許其自陳退出其有原用  
價銀自行置買過一百頃以外能以其羨田尙義願  
獻公家以爲興屯之勸者聽戶部仍以庫銀炤數補  
還不足三十頃者官亦查將無碍田土給足之略倣  
古人各田之制如在京四個月南京五個月以外不  
行 奏報聽各御史將所屬州縣呈到冊籍通行清

查送總督衙門比對彙算果有隱占數多盡行追出  
在各爵請 旨申戒勲衛人等量置以法庶罰自貴  
行令從近始天下豪強無不戢心奉法矣體 國奉  
公於此可驗即戒政五府掌印僉書將來推舉亦憑  
此以定何必廣咨訪而煩闕說哉此又各爵不利之  
利也



貞觀 卷二 勸 社

其政宜... 勸社

例田

入金贖罪... 勸社

按唐史韓重華屯代北出賊罪吏九百餘人給以耒

耜耕牛種糧使償所負比歲大熟因建為十五屯每

屯百三十人人耕百畝就高為堡起振武逾雲中極

于中受降城凡六百餘里列柵二十墾田三千八百

屯 例田 六十二 見注

餘里。歲收粟二千萬石。省度支二千餘萬緡。此以罪  
吏而屯田者也。三輔多盜。宣帝使使徵張敞。起徒中。  
爲京兆盜。遂屏跡。此以罪吏而立功者也。

昔漢王霸將馳刑徒六千餘人。與杜茂治飛狐道。堆  
石布土。築起亭障。自代至平城三百餘里。此以罪人  
而工作者也。西羌未平。張敞建議。願令有罪非盜受  
財殺人者。皆得以差入穀贖罪。嘉靖中。寺臣徐貞明  
亦議令罪而有力者。捐貲墾田。無力宜遠配者。得近

屬於田畝。以力墾而贖其罪。此以罪人而贖納開墾  
者也。夫諸臣所行不一。然大要不過寬有罪。奏成功  
而已。今後合無酌定規制。凡三年五年徒罪雜犯。例  
該墾田若干。墾完之日。卽與釋放。終身永遠。或遣罪  
名。例該墾田若干。墾完之日。或與疏釋。或與末減。或  
一人有罪。而一家願服習于田者聽。一家有罪。而招  
募工人數十。朋力於田者。亦聽。終身之罪。有力而一  
年能完者聽。三年之罪。無力。而願終身爲田卒者。亦

聽。但酌情法之相應。而從罪人之自便。且欣之以微利。而不驅之以太苦。則樂赴者衆矣。

夫拜官之法。序班中書。在京官員。例該納銀若干。監生儒士。例該入粟若干。准田若干。其指揮。鎮撫。都事。經歷。一應開納事例。通准輸田。但以所入之田。合以歲收之數。參酌紐算。必使租當其值。貲當其官。毋致瘠薄之區。虛昂其價。衙門之費。挪過其情。則在一時。雖未得應納之全銀。而歲月積累。計息必且倍蓰。在

今日。雖若奪戶工之事例。而屯田克溢兩部。終當息肩。此亦晁錯濟邊之遺也。

至於屯事之始。經營擘畫。全在道臣。撫字招徠。全在守令。非通敏之才。不足集事。非閱歷之素。難與持久。合侯命下。聽吏部查將在罪在謫。一應大小臣功。通行查叙。凡藩臬諸司。原係在告者。量晉一職。降調者。仍復原官。俾管屯田道事。凡建言而降調。推官州判者。授以知州。閑散雜職者。授以知縣。俾各管該地。

方屯田事務。其有資俸俱深。物望久著。原出剖肝之誠實。非黨結之故者。則又破格授以藩臬職銜。俾管屯田道事。在

皇上既弘使過之仁。不忍終棄。在諸臣方感再造之遇。寧改清修。主聖臣忠。千載一會。又非但以罪吏而建功之意也。

昔元至正中。召募江南農師耕種近京水田各千人。降空名添設職事。勅牒十三道。能募農民一百名者。授以正九品。二百名者。授以正八品。三百名者。授正七品。就令管領所募之人。夫胡元不惜懸品級而待耕夫。

皇上豈忍惜一官而錮端人正士。此在該部奉行何如耳。

皇莊田  
卷之五  
六十五  
勸諭

皇莊田

任土作賦載在周官。皇莊之名古無考據。郎

祖宗時亦未有也。自天順初抄沒曹吉祥順義縣板

橋村為官中莊田。皇莊始此。成化中嘗賜東宮

莊田。內臣覃吉備言其不當受。曰天下山川皆主所

有。何以莊為。徒勞民傷財。為左右之利而已。嗣至正

德莊田益廣。嘉靖中差給事中夏言御史樊繼祖戶

部主事張希尹會同撫按查勘。過順天等地方。皇

皇莊田  
見上

莊及皇親功臣等各項莊田。疏稱天順成化弘治年間莊田僅有五處。至正德十一年以前已有三百八十餘處。共計二十萬九百一十九頃。有零。侵占過民地共二萬二百二十九頃。蓋爲厲之階。實起於奸人欲盡規地利以媚朝廷。其流弊則壞於勢家。欲盡奪民產以肥私室。其在宮闈者。則中官禁卒。旁午四出。而郡縣被其騷擾。其在勳戚者。則豪奴悍僕。肆行威斷。而官府莫取誰何。此實累朝敝政。軍民剝膚椎髓之害。莫有甚於此時者。奉

世宗皇帝聖旨。各依擬給。主召佃管莊人員。盡數取回。該徵租稅。炤依原定則例。每畝佃銀三分。原係皇莊。解部彙進。係皇親功臣。赴部關領。不許自行收受。欽此。

夫同一地土。何以北方莊田獨多。蓋因元本胡人。將相大臣。不習耕稼。野多棄壤。又經喪亂。逃亾日衆。田里荒涼。是以洪武二十八年。戶部欽奉聖旨。百姓

供給繁難已有年矣。山東河南人民除已入額田地，  
炤舊征科外，新開荒的，不要起科。有力氣的儘他種，  
宣德五年，令北直隸比炤山東河南事例，民間新開  
荒田，不問多少，永不起科。夫什一而稅，中正之法，大  
禹制貢，止計土之所產，商周聖人，則履畝而賦，畫井  
而耕，何則？時有不同故也。

國初田地荒蕪已極，不得不濟之以權。其後土壤豐  
美，開墾成熟，亦拘前例，無糧田地，安得不多？奸民投

獻，安得不衆？昔孟軻欲正經界，董仲舒請限名田，彼  
其所言皆萬世經營之法。惟今欲使近畿豐足，不致  
倚粟江南，必將八府之地，通行丈量，請乞 俞旨，革  
去一切無名莊田，使百姓各以舊額自占，而以丈出  
餘者，徙民耕佃，然後隱占頓清，公私兩益。臣考古者  
狹鄉之民，徙於寬鄉，蓋欲地不失利，民有恒蓄也。母  
論前代，卽洪武七年，有徙江南民十四萬詣鳳陽墾  
田之例。永樂七年，選天下富戶無田糧，及有田糧不

及五石者徙北京克富戶附藉順天府之例十七年  
又遷山西澤潞二州無田民往彰德真定臨清歸德  
諸處開曠地土自便耕種免其賦役三年仍戶給鈔  
二十錠以備耕具之例臣願

皇上捐割私藏風示天下將一應皇莊各色盡付  
有司聽其召人佃種徵租解部其有原係各宮府  
養贍地土錢糧者仍炤原徵租數管解聽用更乞特  
勅風力科道官各一員前往北直隸八府地方會同

撫按不問勲戚勢要逐一從實丈量以民間步弓二  
畝七分准糧田一畝為率假如一縣原徵糧石若干  
該田若干今丈若干除扣兌原糧之外多餘存剩即  
係羨田編入新增之數另行召種

召種之法各聽戶部移咨南直隸浙江等處行令寧  
紹蘇松淮揚六府每府各募農師二十名每名自召  
耕戶有家口者一百戶或無家口者二百丁前赴八  
府羨田地方每十戶授田千畝單丁十丁授田五百




市政考 卷之六 勸業  
畝就令原招農師統領俾其催督料理專主導引水利挑築園坵釀聚菑本依期耕曬秋成之後然後計畝均分儻或人力不足聽其聯束本土無田之人傭力雜作其犁鋤道路之費彼處撫按多方設處而牛種糧食房物之資本地方撫按及督巡衙門預爲借給三年之後一體陞租附籍止各寄莊辦納丁銀仍免一應里甲站遞如此不及十年可成富庶而河間永平保定三輔之地人民殷實兵甲富疆永稱重鎮

矣再昭人情每薄催科至國計則等之秦越時局多崇議論遇改作則起而分爭今無故而請皇莊募農師即聖度優容舉朝必且駭愕不知損上益下聖人所以因時百逸一勞豪傑所以度勢與其大壤極敝終必擾民孰若偶一勞民嘗圖豐裕

嘗閱萬曆三十年總督尚書謝杰疏稱目今京倉實在之數僅四百四十八萬餘石四十四年戶部侍郎李汝華疏稱今歲漕糧除折留派撥已去二百二十

餘萬。其至京倉者。僅一百八十萬。自去秋迄今。城中米色至下者。每石亦索千錢。蓋知京倉不足一二年。支放。是以人心遑遑若此。本年十月。宣府撫臣汪道亨。疏稱本鎮本年共缺銀一百二十餘兩。聞之太倉如洗。戶兵二部。崇奉。明旨。必從長計議。無煩臣言。此三者。皆所以極言空虛之狀如此。

萬曆二十八年。科臣王德完。疏稱各省直拖欠段價七百二十四萬。又謂有欠京運錢糧七百六十四萬。有奇者。四十一年。按臣吳允中。宣雲疏稿。內稱北直河南四省直。共欠本鎮民運錢糧七十三萬一千二百零。此三者。皆所以極言拖欠之數如此。夫繇後言之。失于督催之過也。繇前言之。憚于更張之故也。蒙古之季。置兵農司於河間。保定。武清。景州四處。說者以泰定中。學士虞集之言。未售為惜。臣願在外者。毋緩催徵。在內者。毋懼改作。在萬世後。毋徒惜今日之言不早。則宗社靈長之道也。



政攷經國雄略卷之二終

Faint vertical text columns, likely bleed-through from the reverse side of the page.

